



DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

*manè discutienda in Scholis Medicorum, die Jovis vigesimâ - tertiâ
mensis Decembris, anno Domini M. DCC. LI.*

M. DAVID VASSE, Doctore Medico,
Præsede.

An ulceribus Pulmonum suffumigium è Balsamicis?

I.



ULMO est viscus illud, quod in mediâ cavitate, thorax, dictâ conti-
netur; ex vasis arteriosis & venosis, tùm sanguineis, tùm lymphaticis;
tùm aerem ducentibus, efformatur: substantia mollis, spongiosa, sub-
tilis, doloris vix capax. Inter primarios Pulmonum usus, annumeratur
respiratio; hujus ope & aeris illabentis Beneficio, sanguis intrâ vasa
pellitur & subigitur. Viscus illud, quam plurimis obnoxium est morbis;
inter crudeliores numeratur Pulmonum tabes, ubi ad summum pervenit morbus. Cau-

A

Ita huncce efficientes morbum infinitæ deducuntur, à debilitate vasorum, ab acredine humorum, à suppressione excernendorum, veluti menstruarum purgationum, lochiorum, hæmorrhoidum, veterum ulcerum, sudorum, aliarumque hujusmodi, à cæli intemperie, ab animi pathematis gravioribus, à vitiatâ chylicatione, à vini & liquorum spirituosorum potatione, à nimio veneris usu, à parentibus, à contagio, à negato vel violentiori exercitio, ab aere palustri fumove carbonum oppleto, à malâ thoracis conformatione, à morbis particularibus, ut scorbuto, scrophulis, hysteris passionibus, lue venereâ, peripneumoniâ, pleuritide, &c. Ad debellandum huncce insensum inimicum, frustra quam plurima tentavit ars salubris. Innumera mutationes & subactiones quas sustinent medicamina, antequam ad substantiam Pulmonum perveniant, virtutem eorum medicatricem, vanam, inutilem, vel saltem debilem efficiunt. Sed medicamentum, parti læsæ appositum, certè scopum attingeret & ulceris progressum sisteret; dum à laudabili chylo, ab alimentis euchymis restaurarentur partes dilaceratæ. Solum vehiculum, quo mediante partes balsamicæ, deterisivæ, breviori viâ in pulmone applicentur, nihil aliud est, quàm aer partibus subtilibus, secundum indicationem præparatis, imbutus & onustus.

I I.

TABES sumitur pro Pulmonum consumptione. Duplex distinguitur; essentialis, quæ in pulmone causam agnoscit; symptomatice, quæ ab affecto alio viscere producit; status triplex; incipiens, confirmata, deplorata. De incipiente & confirmatâ hic tantum sermo est. Post dilacerationem, à quâcumque causâ oriatur, sanguis tunc stagnat, putrescit, & partes vicinas corrodit & ulcerat. Sanguis enim depuratissimus, si motu proprio non feratur, tunc putrescit; exindè tabes. In hoc morbo affectis apparet tussicula, cum sanguine & pure, febris hectica, calor extrematum, præsertim volæ manuum & plantæ pedum; dolor gravativus & periodice pungens in dorso, genæ rubicundæ, vox rauca & exilis, anhelitûs fætor, & ingravescente morbo, capillorum defluvium, unguium curvatura, respiratio difficilis & anhelosa, pectoris opressio, marasmus, hypocondriorum gravitas, urina rubra, iracundia, tristitia, animi anxietas, pruritus, diarrhæa; cognoscitur etiam ille affectus sputorum naturâ; vel sputa sunt subalbida, vel pellucida, vel lutea, vel subcærulea, vel subnigra & ferruginea, vel salina, vel insipida, vel fætida. Ab aere medelam & sanitatem expecta; nam vesiculosum Pulmonis parenchyma, continuò ferè ab aere penetratur & in ultimis recessibus, perpetuâ novi aeris per respirationem successionem naturæ lege distenditur. Itâ præsens aeris status, non potest non esse maximi momenti. Debita aeris temperies, non solum præservationi, verum etiam curationi magis confert, quàm speciosissima medicamentorum congeries, quæ non adeò continuò, nec paricopiâ ingeri potest ac aer. Ille autem, ut potest partibus impuris gravatus, insensibili modo vel rapidè œconomia animalis harmoniam evertere, sic miasmata salubria ferens, partes dilaceratas restaurare, ad primam conformationem reducere & ulcera mundare potens est. Interiora Pulmonum ulcera, ut exteriora corporis, quæ ab aere tanguntur, spectari possunt; hæc autem topicis curantur, præsertim balsamicis & deterisivis.

F I I.

IN curatione hujus morbi, aeris efficaciam, energiam, admiserunt antiqui & recentiores Medici; prout enim siccus, tepidus, vel morbidè frigidus & nebulosus est, hujus affectus curationem impedit vel promovet. Sic pro methodo medendi, pro diversis affectibus, diversam aeris temperiem jubebant. Ea ratione suffultus Galenus, (a) præcipit aere existente calidiori, æstatis tempore ægrum degere in loco subterraneo, qui frigidissimus sit & ad Septentrionem vergat. Sic phthysicos mittebat ad

(a) Galenus.
Method. Med.
lib. 10. cap.
8.

Vesuvii confinia, ubi aer siccior esse solet; sic Mortonius (b) jubet, ægros aere uti aprico, perflatili, benigno, & à fumo carbonum libero, qui non solum spiritus animales genusque nervosum confortet & consequenter appetitum languentem restituat: verum etiam pulmonibus, continuâ tussi calefactis, pacem conciliare possit. Et (c) Riverius, solo aeris usu conveniente hecticum extremâ macie confectum, intra mensem restitutum, vidisse affirmat. Recentiores iisdem innixi principiis, aere usi sunt. Nam ægros per fumum balsama peruviana & de meka hausturos esse voluerunt, & sæpè sæpius illa remedia, cum successu præscripta fuisse testatur experientia; sed si illa aliquandò gravia & funesta symptomata paruerunt, non miror; epiglottidis, trachææ arteriæ textus delicatior, corpusculorum abundantiam, per fumum respiratione attractorum, sustinere non potuit. Exindè tusses enormes, syncopes & respiratio ferè intercepta; exindè status pejor quàm antea. Sed his incommodis præitur, si aer intra parietes cubiculi receptus, insensibili modo salutares partes fert & applicat. Illud autem perficitur à suffitu levi.

I. V.

SUFFUMIGIUM est illud remedium, quo partes quælibet, ope ignis suavi odorem latè dispergunt & vapore odorifero per nares, in faucibus pulmonibusque, unà cum aere intromittuntur immediatè; differt ab odoramentis quod hæc sine igne suaveolentiam suam expirent. Suffumigium à pluribus duplex distinguitur, unum voluptatis & sanitatis alterum, vel ad utrumque simul inserviens; siccum & humidum utrumque, & cultui aulico & deliciis dicatum. Quamvis ad voluptatem magis inservire videantur, tamen pro corporis utilitate præscribi possunt. Cerebrum recreare, Pulmonem à malignitate vindicare valent. Humidum usitatissimum, in plurimis morbis usurpari potest, ad cerebrum expurgandum, ad catharos absumendos, ad pituitam pectore contentam dividendam & eliciendam, ad ulcera præsertim pulmonum siccanda, ad alios plurimos affectus levandos miracula efficit. Inter præsidia, evaporationes & suffitus, tanquam nobiliora recenserè, iisque in extremis angustiis confidè vult Christ. Bennet (a); quorum materiam & utendi modum indicabimus. In angulis cubiculi efformèntur cavitates strictæ quæ ad tabulatum ferè ascendunt, ita ut evaporatio pleno cavitatis alveo ascendens in aere dispergatur & nullà alia quam respirationis vi in pulmonem devehatur. Sit apertura quædam in infimâ parte quâ intromittetur ignitabulum carbonibus repletum, ut super illos injiciatur materia suffitûs. Medicamenta quæ possunt suffumigia præbere salutaria, sunt præsertim Benjoinum, mirra, thus sive olibanum, ambarum, moschum, & balsama tum peruviana, tum judaica, vulgò *de la Meque*, therebentinæ, gummi que resinosarum variæ species, &c. (b) Aliquæ suffituum formulæ reperiuntur in Theatro Tabidorum Benneti. (c) In Codice medicamentario Parisiensi describuntur pastilli odorati pro fumo, qui certè mirificè sanarent.

V.

INCIPIENTIS confirmatæque phthiseos curatio, consistit in ulceris absterfione & conglutinatione, causarum producentium vel foventium ablatione, consumptionis restauratione. Ab aere medicato absterfio & glutinatio; à victu causarum ablatio, deperditionisque reparatio expectanda. Halitus & suffitus ad ulcera Pulmonum potenter detergenda siccandaque utiliter usurpari possunt, & illæ evaporationes ore, naribusque frequenter attrahendæ sunt, sic remediorum vires recta viâ feruntur. Phthisim hanc, absque ulcerum cicatrice à quibus originem suam trahit, radicis curare, & effectum, causâ adhuc manente tollere, idem est. Ad restaurationem causarumque ablationem egregiè convenit lac muliebre, præsertim, si à mammâ exsugatur, bis in die, vel solo lacte nutriatur æger. Possunt tamen in usum venire pulmonalia, amara, incrassantia, hordeata, amygdalata, & restaurantia varii generis, & illa quæ

(b) Richard. Morton. 1 hthiologia Lib. II. cap. III.

(c) Riverius Prax. Medic. lib. XVII. cap. III. de febre hecticâ.

(a) Theatrum Tabidorum pag. 71.

(b) Ibidem pag. 139.
(c) Codex medicamentarius Parisiensis pag. 109.

à viribus ventriculi superantur, subiguntur, & in chylum laudabilem facile mutantur, & simul vitiosam corporis acrimoniam ac succos temperant. Hâcce præxi multos curavisse asserit Christophorus Bennet, & historias sanationum narrat (a) » Pulmonum lobum cujusdam mercatoris Londinensis erodebat ulcus, è tussi in- » veteratâ & fluxione salinâ hæmoptosim inducente oriundum, quod levis arte- » riæ divaricationem lobo insertam unâ pereferat; cui symptomata omnia, quibus » phthisis consociata est, ingruebant, in pejus in dies ruitura; halituum denique & suf- » fituum methodicâ intermiscelâ sanus evasit. Quâ integritate permansit per sex an- » nos, quo temporis curriculo, meque annuente, Hispaniæ, ubi commercium fecerat, » vitam degebat incolumen; sub initio Autumni oras Angliæ petenti, ab impeditâ » pororum usuali διαπνευσία, fluxus concitior totum lobum, ut lateri adhæserat, » replevit: cujus exæstuationis sanies pulmonem ita perfudit, ut spiritûs transitum » brevî denegavit; dissecto Cadavere trachææ pars erosa, cui cicatrix inducta fuerat » varicosa; lobo verò pars adnata conspiciebatur internam arteriæ vocalis » membranam, per salinos affluxus derasam, tussique non raro ejectam animadverti, » halituum tamen & suffituum usu regeneratam: ex quo convalescentes aliqui super- » sunt, binosque à phthisis diuturnioris corruptelâ Pulmones frustulatim rejectantes » hisce, aliis non prætermisiss, redintegravi. « Hoc contra pulmonis ulcerum sana- » tionem fortius militabat argumentum, quod ulcera, quæ ansam huic phthisi præ- » bent, rarissimè perfectè sanari possint, ut pote extra manûs applicationem posita; » sed nunc nullus restat arguendi locus, dum in parte affectâ medicamina quasi ma- » nu ferantur.

Ergò ulceribus Pulmonum suffumigium è balsamicis.

DOMINI DOCTORES DISPUTATURI.

M. Anna - Carolus Lorry.

*M. Dionysius Pautier de La-
Breuille.*

M. Jacobus - Albertus Hazon.

*M. Bernardus - Nicolaus Ber-
trand, Scholarum Professor
designatus.*

*M. Jacobus - Laurentius Mau-
roy.*

M. Claudius - Carolus de Jean.

*M. Stephanus - Ludovicus Geof-
froy.*

*M. Natalis - Andreas - Joannes
Baptista Chesneau.*

M. Franciscus - Felicitas Cochua.

Proponebat Parisiis PETRUS-ABRAHAMUS PAJON DE MONCETS, Blæseus,
Saluberrimæ Facultatis Medicinæ Parisiensis Baccalaureus, A. R. S. H. 1751.

A S E X T A A D M E R I D I E M.

Typis QUILLAU, Universitatis & Facultatis Medicinæ Typographi, 1751.